

古

謠

諺

古謠諺卷二

秀水杜文瀾輯

鄭莊公賦

春秋左氏隱元年傳公入而賦

大隧之中其樂也融融

鄭武姜賦

又云姜出而賦

云

遂爲母子如初

大隧之外其樂也洩洩

杜注云賦賦詩也

正義云賦詩謂自作詩也中融外洩各自爲韻蓋所賦之詩有此辭傳畧而言之也

馮氏李驥云中融外洩叶卽所賦之詩

羽父引周諺

春秋左氏隱十一年傳滕侯薛侯來朝爭長公

使羽父請於薛侯曰君與滕君辱在寡人周諺

有之曰

云

寡人若朝于薛不敢與諸任齒君

若辱貶寡人則願以滕君爲請薛侯許之乃長

滕侯

山有木工則度之賓有禮主則擇之

杜注云擇所宜而行之

虞叔引周諺

春秋左氏桓七年傳初虞叔有玉

杜注云虞叔
虞公之弟

虞公求旃弗獻既而悔之日周諺有之

云云
云吾

焉用此其以賈害也乃獻之

匹夫無罪懷璧其罪

杜注云人利其
璧以璧爲罪

士蔿引諺

春秋左氏閔元年傳晉侯還爲太子城曲沃士

蔿曰太子不得立矣分之都城而位以卿先爲

之極又焉得立不如逃之無使罪至爲吳大伯

不亦可乎猶有令名與其及也

杜注云言雖去猶有令名勝於

留而且諺曰云

云天若祚太子其無晉乎

心苟無瑕何恤乎無家

士蔣賦

春秋左氏僖五年傳初晉侯使士蔣爲二公子築蒲與屈不愼寘薪焉夷吾訴之公使讓之士蔣稽首而對曰臣聞之無喪而感憂必讐焉無戎而城讐必保焉寇讐之保又何愼焉守官廢命不敬固讐之保不忠失忠與敬何以事君詩

云懷德惟甯宗子惟城君其修德而固宗子何

城如之三年將尋師焉焉用慎退而賦曰

杜注云土

薦自作詩也 案史記晉世家賦作歌

狐裘尨茸一國三公吾誰適從

服注云蒙茸以言亂貌三公言君與二公子將

敵故不知所從

宮之奇引諺

春秋左氏僖五年傳晉侯復假道於虞以伐虢

宮之奇諫曰虢虞之表也虢亡虞必從之晉不

可啟寇不可翫一之爲甚其可再乎諺所謂云

云者其虞號之謂也

輔車相依唇亡齒寒

杜注云輔頰
輔車牙車

卜偃引童謠

春秋左氏僖五年傳八月甲午晉侯圍上陽問

於卜偃曰吾其濟乎對曰克之公曰何時對曰

童謠云

云

其九月十月之交乎丙子旦日在

尾月在策鶉火中必是時也冬十二月丙子朔

晉滅虢

丙之辰

御覽卷五卷三百二
十九丙下有子字

龍尾伏辰

杜注云龍尾尾
星也日月之會

曰辰日在尾故
尾星伏不見

均服振振

杜注云戎事上下同服

釋

禮司服職云凡

兵事韋弁服鄭元云韋弁以韎韋爲弁

又以爲衣裳今時伍伯緹衣古兵服之遺色然則在兵

之服皆韋弁

國語韋注云均同也戎服君臣同

周禮司几筵疏

引賈服杜本皆作衿漢書律歷志五行

志所引及古本

取號之旅鶉之賁賁天策焯焯火中成

國語皆作衿

軍號公其奔

國語韋注云鶉鶉火鳥星也尾上一星名

鶉火也中農中也
成軍軍有成功也

孔叔引諺

春秋左氏僖七年傳齊人伐鄭孔叔言於鄭伯

曰諺有之曰

云既不能彊又不能弱所以斃

也國危矣請下齊以救國

心則不競何憚於病杜注云競強也憚難也正義云
人何得難於屈弱
之病而不下齊

晉輿人誦

春秋左氏僖二十八年傳楚師背鄢而舍杜注云鄢

邱陵險阻名晉侯患之聽輿人之誦曰杜注云恐衆畏險故聽其

誦歌

原田每每

李善魏都賦注每每作莓莓楊氏慎稭林

如飴韻正相叶左傳曰原田每每又與腓腓通沈氏
濂懷小篇卷六說文母草盛上出也从申母聲又通雅

鄭氏曰每卽畝字每每猶畝畝也案史記異畝同
穎注卽畝又作晦則每爲畝可推矣此別一說舍其
舊而新是謀御覽卷四百四十二引舊注廣平曰原莓莓美貌詩曰周原莓莓堇茶如飴舍其舊而謀新也言仰楚舊惠爲利薄謀楚之新機其利厚衆欲之意也

樂豫引諺

春秋左氏文七年傳宋成公卒昭公將去羣公子樂豫曰不可公族公室之枝葉也若去之則本根無所庇廕矣葛藟猶能庇其本根故君子以爲比况國君乎此諺所謂云者也

庇焉而縱尋斧焉

杜注云縱放也

升菴經說卷七庇焉而而縱尋斧焉一本焉下有斯之

二字唐人文集引此云蔭其樹者不折其枝庇焉而縱尋斧焉以斯之可乎

宋城者謳

春秋左氏宣二年傳鄭公子歸生受命于楚伐宋宋華元樂呂御之二月壬子戰于大棘宋師敗績囚華元宋人以兵車百乘文馬百駟以贖華元于鄭半入華元逃歸宋城華元爲植巡功

杜注云植將主也城者謳曰

睥其目皤其腹棄甲而復

杜注云睥出目皤大腹棄甲謂亡師

于思于思

白帖卷三十一兩思字皆作頤字

棄甲復來

杜注云于思多鬢之貌

華元驂乘答謳

又云使其驂乘謂之曰

牛則有皮犀兕尙多棄甲則那

杜注云那猶何也 日知錄卷三十二直言之

曰那長言之曰奈何一也

役人又謳

又云役人曰

云

華元曰去之夫其口衆我寡

從其有皮

御覽卷一百九十二從作縱

丹漆若何

子文引諺

春秋左氏宣四年傳初楚司馬子良生子越椒

子文曰必殺之杜注云子文子良之兄是子也熊虎之狀而豺狼之聲弗殺必滅若敖氏矣諺曰云是乃狼也其可畜乎

狼子野心

伯宗引諺

春秋左氏宣十五年傳宋人使樂嬰齊告急于晉晉侯欲救之伯宗曰不可古人有言曰雖鞭之長不及馬腹天方授楚未可與爭雖晉之彊能違天乎諺曰云天之道也君其待之乃止

高下在心川澤納汙山藪藏疾

杜注云山之有林藪毒害者居之

瑾瑜

匿瑕

杜注云匿亦藏也雖美玉之質亦或居藏瑕穢

國君含垢

羊舌職引諺

春秋左氏宣十六年傳晉侯請于王以黻冕命

士會將中軍且爲太傅於是晉國之盜逃奔于

秦羊舌職曰吾聞之禹稱善人

杜注云稱舉也

不善人

遠此之謂也夫詩曰戰戰兢兢如臨深淵如履

薄冰善人在上也善人在上則國無幸民諺曰

云

云是無善人之謂也

民之多幸國之不幸也

聲伯夢歌

春秋左氏成十七年傳初聲伯夢涉洹或與已

瓊瑰食之

杜注云瓊玉瑰珠也食珠玉含象

泣而爲瓊瑰盈其

懷

杜注云泣下化爲珠玉盈其懷

從而歌之曰

云云懼不敢占

也還自鄭王申至于狸脈而占之曰余恐死故

不敢占也今衆繁而從余三年矣無傷也言之

之莫而卒

濟洹之水贈我以瓊瑰歸乎歸乎瓊瑰盈吾懷乎

魯國人誦

春秋左氏襄四年傳冬十月邾人莒人伐郕臧
紇救郕侵邾敗于狐駘國人逆喪者皆鬻魯於
是乎始鬻國人誦之曰

臧之狐裘敗我於狐駘

杜注云臧紇時服狐裘

我君小子朱儒是

使朱儒朱儒使我敗於邾

杜注云公幼弱故曰小子臧紇短小故曰朱儒

宋築者謳

春秋左氏襄十七年傳家皇國父爲太宰爲平

公築臺妨於農功

杜注云周十一月今九月收斂時

子罕請俟

農功之畢公弗許築者謳

白帖卷八十四引作歌

曰

澤門之皙實興我役

杜注云澤門宋東城南門也皇國父白皙而居近澤門汪氏中經

義知新記大雅正義引左傳襄十七年傳臯門之皙今本作澤門左氏音義云本或作臯門者誤陸說是也蓋臯門爲宮門非常人所居之地杜注澤門宋城南門也然則皇國父所居澤門非臯門明矣或古本左傳正作畢作臯門者形近而譌邑中之黔實慰我心杜注云子罕黑

鄭輿人誦

春秋左氏襄三十年傳子產從政一年輿人誦

之曰

取我衣冠而褚之

杜注云褚畜也奢侈者畏法故畜藏

取我田疇而伍之

孰殺子產吾其與之呂氏春秋樂成篇作我有田疇而子產貯之我有衣冠而子產貯之孰殺子產吾其與之魏書李彪傳無二而字上貯字作伍餘與呂氏春秋同

鄭輿人又誦

又云及三年又誦之曰

我有子弟子產誨之我有田疇子產殖之子產而死誰

其嗣之

呂氏春秋樂成篇作我有田疇而子產殖之我有子弟而子產誨之子產若死其誰使嗣之

魏書李彪傳

無二而字其誰使嗣之作誰其繼之餘與

呂氏春秋同

舊唐書盧懷慎傳誨作教御覽卷八

百二十一引左傳殖作闕

劉定公引諺

春秋左氏昭元年傳天王使劉定公勞趙孟於
 潁館於雒汭劉子曰美哉禹功明德遠矣微禹
 吾其魚乎吾與子弁冕端委以治民臨諸侯禹
 之力也子盍亦遠績禹功而大庇民乎對曰老
 夫罪戾是懼焉能恤遠吾儕偷食朝不謀夕何
 其長也劉子歸以語王曰諺所謂云者其趙
 孟之謂乎為晉正卿以主諸侯而儕於隸人朝
 不謀夕棄神人矣神怒民叛何以能久趙孟不
 復年矣神怒不歆其祀民叛不即其事祀事不

從又何以年

老將至而耄及之

杜注云八十曰耄耄亂也

晏子引諺

春秋左氏昭三年傳初景公欲更晏子之宅曰
子之宅近市湫隘囂塵不可以居請更諸爽塏
者辭曰君之先臣容焉臣不足以嗣之於臣侈
矣且小人近市朝夕得所求小人之利也敢煩
里旅及晏子如晉公更其宅反則成矣既拜乃
毀之而爲里室皆如其舊則使宅人反之

杜注云本

壞里室以大晏子之宅故復之且諺曰云二三子先卜鄰矣

違卜不祥君子不犯非禮小人不犯不祥古之

制也吾敢違諸乎卒復其舊宅

非宅是卜唯鄰是卜

晏子春秋內篇唯作維 御覽卷一百五十七一百八十唯作惟

子產引諺

春秋左氏昭七年傳鄭人相驚以伯有曰伯有

至矣則皆走不知所往

杜注云襄三十年鄭鑄人殺伯有言其鬼至

刑書之歲二月

杜注云在前年

或夢伯有介而行曰壬

子余將殺帶也

杜注云駟帶助子皙殺伯有壬子六年三月三日

明年

壬寅余又將殺段也

杜注云公孫段豐氏黨壬寅此年正月二十八日

及壬子駟帶卒國人益懼齊燕平之月

杜注云正月

壬寅公孫段卒國人愈懼其明月子產立公孫

洩及良止以撫之乃止

杜注云公孫洩子孔之子也襄十九年鄭殺子

孔良止伯有子也立以爲大夫使有宗廟

及子產適晉趙景子問焉

杜注云景子晉中軍佐趙成

曰伯有猶能爲鬼乎子產曰匹

夫匹婦強死猶能馮依於人以爲淫厲况良霄

我先君穆公之胄子良之孫子耳之子做邑之

卿從政三世矣鄭雖無腆抑諺曰

云

其用物

也宏矣其取精也多矣其族又大所馮厚矣而

強死能爲鬼不亦宜乎

蕞爾國

杜注云蕞小貌 論衡死僞篇爾下有小子

而三世執其政柄

晉侯投壺詞

春秋左氏昭十二年傳晉侯以齊侯晏中行穆

子相

杜注云穆子荀吳

投壺晉侯先穆子曰

云中之

有酒如淮有肉如坻

杜注云淮水名坻山名 劉炫以爲淮坻非韻淮當作濊又以坻爲

水中之地 以規杜注寡君中此爲諸侯師

齊侯投壺詞

又云齊侯舉矢曰

云

亦中之

有酒如澠有肉如陵

杜注云澠水出齊國臨淄縣北入時水陵大阜也

寡人中

此與君代興

南蒯鄉人言

春秋左氏昭十二年傳南蒯之將叛也其鄉人

或知之過之而歎

杜注云鄉人過蒯而歎

且言曰

恤恤乎湫乎攸乎

杜注云恤恤憂患惓惓危之貌

深思而淺謀邇

身而遠志家臣而君圖

杜注云家臣而圖人君之事故言思深而謀淺身近而志遠

有人矣哉

杜注云言今有此人微以感之

南蒯鄉人歌

又云將適費飲鄉人酒鄉人或歌之曰

我有圃生之杞乎

杜注云言南蒯在費欲爲亂如杞生於圃圃非宜也杞世所謂枸杞也

從我者子乎

杜注云子男子之通稱言從己可不失今之尊

去我者鄙乎倍其

鄰者恥乎

杜注云鄰猶親也

已乎已乎非吾黨之士乎

服注云已乎已

乎決絕之辭

子服惠伯引諺

春秋左氏昭十三年傳季孫猶在晉子服惠伯私於中行穆子曰魯事晉何以不如夷之小國

魯兄弟也土地猶大所命能具若爲夷棄之使

事齊楚其何瘳於晉

杜注云瘳差也

親親與大賞共罰

否所以爲盟主也子其圖之諺曰

云

吾豈無

大國

臣一主二

杜注云言一臣必有二主道不合得去事他國

子產引諺

春秋左氏昭十九年傳是歲也鄭駟偃卒子游

娶於晉大夫生絲弱其父兄立子瑕

杜注云子瑕子游叔

父駟

子產憎其爲人也且以爲不順弗許亦弗

止駟氏聳他日絲以告其舅冬晉人使以幣如
鄭問駟乞之立故駟氏懼駟乞欲逃子產弗遣
請龜以卜亦弗予大夫謀對子產不待而對客

曰鄭國不天寡君之二三臣札瘥天昏

賈注云大死曰

札小疫曰瘥短折
曰天未名曰昏

今又喪我先大夫偃其子幼

弱其一二父兄懼隊宗主私族於謀而立長親

寡君與其二三老曰抑天實剝亂是吾何知焉

諺曰

云

民有兵亂猶憚過之而况敢知天之

所亂今大夫將問其故抑寡君實不敢知其誰

實知之

無過亂門

子瑕引諺

春秋左氏昭十九年傳令尹子瑕言蹶由於楚

子

杜注云蹶由吳王弟五年靈王執以歸

曰彼何罪諺所謂

云

者楚之謂矣

杜注云言靈王怒吳子而執其弟猶人忿於室家而作色於市人

舍前之忿可也乃歸蹶由

室於怒市於色

御覽卷一百七十四作怒於室而色於市

鸚鵡謠

春秋左氏昭二十五年傳有鸚鵡來巢書所無

也師已曰異哉吾聞文武之世

石經宋本武皆作成 賈注云

師已魯大夫也文成魯文公成公

陳氏樹華

云史記漢書論衡異虛篇李善幽通賦注引並

作文成按史通亦作文成謂文公成公也 按

孟康漢書敘傳注云魯文成之世童謠與賈注

相合蓋文公乃成公之祖時代相近成公乃昭

公之祖時代亦相近武公在孝公惠公之前下

距文公已隔七君不應與文公並舉尤不應列

於文公之後若夫周元公雖亦謚文然下距武

公甚遠下距昭公更遠至於周之文王武王則

益覺其遠矣反覆推之武字斷不可通必成字

傳寫之 童謠有之曰 云 童謠有是今鸚鵡來

巢其將及乎

巢其將及乎

鸛之鶴之公出辱之

杜注云言鸛鶴來則公出辱也

鸛鶴之羽公在外

野史記魯世家來巢作入處

此二句在公在乾侯之下往饋之馬鸛鶴跌跌公在

乾侯

杜注云跌跌跳行貌帖卷九十五御覽卷九百三十三

史記跌跌作來巢

白徵

蹇與襦

杜注云襦袴也

鸛鶴之巢遠哉遙遙

漢書五行志遙遙作搖搖顏注云搖

搖不安

之貌稠父喪勞宋父以驕

杜注云稠父昭公死外故喪勞宋父定公代立故以

驕

漢書顏注云父讀曰甫甫者男子之通號故云稠甫宋甫也

鸛鶴鸛鶴往歌來哭

杜注云昭公生

出歌死還哭

公子光引上國言

春秋左氏昭二十七年傳吳公子光告鱒設諸

曰上國有言曰

云

我王嗣也吾欲求之

杜注云光

吳王諸樊子也

故曰我王嗣

不索何獲

按索獲二字爲韻此四字一句中有兩韻之例也

魏子引諺

春秋左氏昭二十八年傳冬梗陽人有獄魏戊

不能斷以獄上

杜注云

其大宗賂以女樂

杜注云訟

者之

魏子將受之魏戊謂闔沒女寬

杜注云二人魏子之

屬大

夫曰主以不賄聞於諸侯若受梗陽人賄莫

甚焉吾子必諫皆許諾退朝待於庭饋入召之
比至三歎既食使坐魏子曰吾聞諸伯叔諺曰
云
云吾子置食之間三歎何也

唯食忘憂

宋野人歌

春秋左氏定公十四年傳衛侯爲夫人南子召

宋朝

杜注云南子宋女也朝宋公子舊通于南子在宋呼之

會于洮太子

蒯瞶獻孟子齊過宋野

杜注云蒯瞶衛靈公太子孟邑名也就會獻之

故自衛行而過宋野野人歌之曰

既定爾婁豬盍歸吾艾豕

杜注云婁豬求子豬以喻南子艾豕喻宋朝艾老也

戲陽速引諺

又云太子羞之謂戲陽速曰從我而朝少君

杜注

云速太子家臣

正義云少君猶

小君也君爲大君夫人爲小君

少君見我我

願乃殺之速曰諾乃朝夫人夫人見太子太子

三願速不進夫人見其色啼而走曰蒯瞶將殺

余公執其手以登臺太子奔宋盡逐其黨故公

孟彊出奔鄭自鄭奔齊太子告人曰戲陽速禍

余戲陽速告人曰太子則禍余太子無道使余

殺其母余不許將戕於余若殺夫人將以余說
余是故許而弗爲以紓余死諺曰云吾以信
義也

民保於信

萊人歌

春秋左氏哀五年傳齊燕姬生子不成而死杜注

云燕姬景公夫人不成未冠也諸子鬻姒之子荼嬖杜注云諸子庶公子

也鬻姒景公妾茶安孺子公疾使國惠子高昭子立荼杜注云惠

子國夏昭子高張寘羣公子於萊杜注云萊齊東鄙邑秋齊景公

卒冬十月公子嘉公子駒公子黔奔衛公子鉏
公子陽生來奔萊人歌之曰

景公死乎不與埋三軍之事乎不與謀師乎師乎何黨
之乎史記齊世家不作弗何作胡無之字 服注云萊人見五公子遠遷鄙邑不得與景公葬埋之事及國三軍之謀故愍而歌師衆也黨所也言公子徒衆何所適也 杜注云稱諡蓋葬後而爲此歌

申叔儀歌

春秋左氏哀十三年傳公會單平公晉定公吳
夫差于黃池吳申叔儀乞糧於公孫有山氏杜注

云申叔儀吳大夫公孫有山魯大夫舊相識曰

佩玉纈兮余無所繫之

杜注云纈然服飾備也已獨旨無以繫佩言吳王不恤下

酒一盛兮余與褐之父睨之

杜注云一盛一器也睨視也褐寒賤之人言但得視

不得飲

衛侯夢渾良夫譟

春秋左氏哀十七年傳衛侯夢于北宮見人登

昆吾之觀

杜注云衛有觀在古昆吾之虛今濮陽城中

被髮北面而

譟曰

登此昆吾之虛縣縣生之瓜

杜注云縣縣瓜初生也良夫言己有以小成大之功

若瓜之生謂使衛侯得國

余爲渾良夫叫天無辜

杜注云本盟當免三死而并數一時

之事爲三罪殺
之故自謂無辜

齊人歌

春秋左氏哀二十一年傳公及齊侯邾子盟于

顧齊人責稽首

杜注云責十七年齊侯爲公稽首不見答顧齊地

因歌

之曰

魯人之臯數年不覺使我高蹈

杜注云臯緩也高蹈猶遠行也言魯人臯緩數

年不知答齊稽首故使我高蹈來爲此會

唯其儒書以爲二國憂

杜注云二國齊邾也

言魯據周禮不肯答稽首令齊邾遠至

時人爲龍門之戰謠

春秋緯考異郵據白龍門下血如江時人謠

曰

五侯之鬪血成江

按孫氏穀春秋緯輯本作龍門之下血如江引宋均注云龍門戰在魯桓十三年而不言謠然白帖所引當別有據存之俟考

孔子引南人言

論語子路篇南人有言曰云善夫不恒其德

或承之羞子曰不占而已矣鄭注云易所以占吉凶無恒之人易

所不
古

六

人而無恒不可以作巫醫

鄭注云言巫醫不能治無恒之人 錢氏大昕云鄭注皆

依繙衣爲說以經解經信而有徵衛瓘云無恒之人不可以爲巫醫巫醫則疑誤人也此朱注所本然於下文不占之義終難通矣

楚狂接輿歌

論語微子篇楚狂接輿歌而過孔子曰

云云 孔

子下欲與之言趨而避之不得與之言

正義云接輿楚

人姓陸名通字接輿也

四書釋地云論語止

言楚狂其名氏原不傳然前云楚狂接輿後云孔子下不特兩相照應抑且記事書法之妙正見接輿而歌所以欲下其不復用車字者以有

輿字在前也自莊子稱爲楚狂接輿演其歌辭
至二十八句注家從之竟以爲名非也校勘
記高麗本孔子下有之門二字頗與古合蓋接
輿乃楚狂之名過孔子者過孔子之門也莊子
人間世言孔子適楚楚狂接輿遊其門正指此
事故鄭君注孔子下云下堂出門最爲明確包
咸以下爲
下車甚誤

鳳兮鳳兮何德之衰往者不可諫來者猶可追已而已

而今之從政者殆而史記孔子世家諫下有兮字追下有也字釋文魯讀期斯已矣今

之從政者殆今從古

案莊子亦載此歌而詳畧迥異今並存之

五老游河歌

論語緯

比考識

仲尼曰吾聞帝堯率舜等游首山

觀河渚有五老游河渚一老曰

云

二老曰

云

云

三老曰

云

四老曰

云

五老曰

云

有頃

赤龍銜玉苞舒圖刻版歌訖

按歌訖二字原本無今據水經注卷

五河水篇項氏細注所引增

五老乃爲流星上入昴龍沒圖

在堯喟然曰咨汝舜天之厯數在汝躬乃以禪

舜

河圖將來告帝期

河圖將來告帝謀

河圖將來告

帝書

河圖將來告帝圖

河圖將來告帝符

殷末玉馬謠

論語緯

比考

殷末謠

原本無此三字今據楊氏慎風雅逸篇卷五補

殷惑妲己玉馬走

宋均注云女妲己有美色也玉馬喻賢臣奔去也任昉箋云玉馬駿奔喪

微子之兆也風雅逸篇殷作帝

時人爲孔氏兄弟語

論語緯

比考

孔長彥孔季彥兄弟聚徒數百故

時人爲之語曰

魯國孔氏好讀經兄弟講誦皆可聽學士來者有聲名
不過孔氏那得成

御覽卷三百八十五引孔叢子無國字廣博物志卷二十一引魯國先賢

傳那得
作名不

案續博物志卷四載此條引陶淵明云事見論語摘
輔象然上文言燧人四佐伏羲六佐黃帝七輔而繼
以陶淵明云今考聖賢羣輔錄與此正同蓋李石本
以事見摘輔象屬上刊本誤屬此條之首孫氏亦沿
其誤耳但所引不言摘輔象而言比考識恐別有據
今姑存之

泣麟歌

論語緯

摘衰
聖

叔孫氏之車子曰鉏商樵於野而

獲麟焉衆莫之識以爲不祥棄之五父之衢冉
有告孔子曰有麕肉角豈天下之妖乎夫子曰
今何在吾將觀焉遂往謂其御高柴曰若求之
言其必麟乎到視之曰今宗周將滅無主孰爲
來哉茲日出而死夫子曰吾道窮矣乃作歌曰
顧氏修琴操本據藝文類聚卷十引逸文魯哀
公十四年西郭薪者獲麟擊之傷其左足將以
示孔子孔子道與相逢見俛而泣抱麟曰爾
孰爲來哉孰爲來哉反袂拭面乃歌曰云云

唐虞之世麟鳳游今非其時來何由麟兮麟兮我心憂
琴操之世作
世兮由作求

案論語緯據孫氏鼓輯本採錄

晏子引夏諺

孟子梁惠王篇下晏子對曰善哉問也天子適諸侯曰巡狩巡狩者巡所狩也諸侯朝於天子曰述職述職者述所職也無非事者春省耕而補不足秋省斂而助不給夏諺曰

趙注云晏子道夏禹之世

民之諺語也 焦氏循正義云說文言部云諺傳言也廣雅釋詁云諺傳也然則夏諺謂夏世相傳之語國語諺有之韋昭注云諺俗之善謠也俗所傳聞故云民之諺語而其辭如歌詩則謠之類也

吾王不遊吾何以休吾王不豫吾何以助一遊一豫爲

諸侯度

晏子春秋內篇兩王字皆作君兩吾何皆作我曷服虔左傳注豫作譽釋名春行曰游秋

行日

孟子引齊人言

孟子公孫丑篇齊人有言曰

云

今時則易然

也

雖有智慧不如乘勢雖有鎡基不如待時

趙注云乘勢居富貴之時

鎡基田器耒耜之屬待時三農時也

御覽卷四百九

十六基作鎡卷八百三十三鎡作茲

全唐文卷二百

七十九裴濯諫春旱造寺觀疏待作逢

錢氏大昕云

周禮雍氏注以茲其斫其生者疏云漢時茲其卽今之

鋤也禮記月令注田器鎡也屬正義引孟子作
鎡其也鎡基也文異而音義不異也

孔子聽孺子歌

孟子離婁篇上有孺子歌曰

云

孔子曰小子

聽之清斯濯纓濁斯濯足矣自取之也

趙注云孺子童

子也小子孔子弟子也清濁所用尊卑若此自取之喻人善惡見尊卑乃如此

滄浪之水清兮可以濯我纓滄浪之水濁兮可以濯我

足

楚辭漁父之歌無兩兮字

閻氏釋地云滄浪蓋地名也漢水流經此地遂得名滄浪之水

盧氏文昭

鍾山札記云滄浪青色在竹曰蒼篁在水曰滄浪古詞東門行上用滄浪天之色正青也艷歌何嘗行上慙滄浪之天俱見晉宋書樂志又呂氏春秋審時篇麥後時者弱苗而蒼浪亦言其青色蒼倉滄三字並通用非

謂天之色如水以
滄浪相比况也

趙岐引諺

孟子章指

卷上戴不勝章條下

言自非聖人在所變化故

諺曰

云

云

言輔之者衆也

白沙在涅不染自黑蓬生麻中不扶自直

案大戴禮曾子制言篇云故蓬生麻中不扶自直白
沙在泥與之皆黑史記三王世家贊泥下有中字索
隱引荀子文與大戴禮同洪範正義引荀子泥作涅
皆仁俱說苑說叢篇麻作臬論衡程材篇中作間沙

作紗泥作緇又率性篇染作練然諸書皆不言諺故
置彼錄此

蜀人汶山謠

河圖緯

括地象

汶山之地爲井絡蜀謠

按蜀謠二字原作一

今據廣博物志卷六及楊氏慎風雅逸篇改

曰云

云上爲天井星

汶阜之山江出其腹帝以會昌神以建福

按括地象此條皆言某山上應某星惟汶山之地爲
井絡下忽橫亘一曰二字殊屬不辭廣博物志僅標
蜀謠二字風雅逸篇則直引河圖緯蜀謠一字顯係

蜀謠二字之誤今特據增

孔子述洞庭童謠

河圖緯

絳象

太湖中洞庭山林屋洞天卽禹藏真

文之所一名包山吳王闔閭登包山之上命龍
威丈人入包山得書一卷凡一百七十四字而
還吳王不識使問仲尼詭云赤鳥銜書以授王

仲尼曰昔吾游西海之上聞童謠曰

云邱按

謠言乃龍威丈人洞中得之赤鳥所銜非邱所

知也吳王懼乃復歸其書

越絕書禹治洪水至
牧德之山見神人焉

謂禹曰我有靈寶五符以役蛟龍水豹因授禹而誠之曰事畢可祕之於靈山禹成功後乃藏之於洞庭包山之穴至吳王闔閭之時有龍威丈人得符獻之先是江左童謠云云云

吳王出游觀震湖龍威丈人名隱居北上包山入靈墟

乃造洞庭竊禹書天帝大文不可舒此文長傳六百初

今強取出喪國廬孫氏穀云靈寶要略名作山造作入今作若釋史引靈寶要略靈作雲

帝作地六百作百六餘與孫氏所校同越絕書作禹

治洪水得五符藏之洞庭之包山龍威丈人竊禹書得

吾圖者喪國廬楊方吳越春秋作

禹得金簡玉字書藏在洞庭包山湖

案河圖緯據孫氏穀輯本採錄

古謠諺卷二終

古謠諺卷三

秀水杜文瀾輯

楊慎引俗諺釋三拖鞶帶

升菴經說

卷一
易類

終朝三拖鄭康成古本禡作拖

晁以道云拖如拖紳之拖蓋訟之上九上剛之

極本以訟而得鞶帶不勝其矜而終朝三拖之

以誇於人俗諺曰

云

是也本義作奪非是象

曰以訟受服而今以奪解之可乎

寵婢作管家鑰匙不響手撥刺

又引俗諺釋密雲不雨

升菴經說

卷一 易類

易曰密雲不雨自我西郊天地

之氣東北陽也西南陰也雲起東北陽倡陰必和故有雨雲起西南陰倡陽不和故無雨俗諺

云

云

是其驗也又驗之風電亦然或問東爲

陽方西爲陰方是矣南本陽而屬陰北幽陰而屬陽何也曰一陽生於子仲天之氣所始也卦又當坎北非陽而何一陰生於午仲地之氣所始也卦又當離南非陰而何

雲往東一場空雲往西馬濺泥雲往南水潭潭雲往北

好曬麥

農家諺末
往字作行

案孔氏談苑亦引此諺半同半異今兩存之

又引童子歌謠釋綠竹

升菴經說

卷四
詩類

綠竹猗猗綠竹韓詩作薄筑石

經同薄扁筑也一云菴蓐草郭云似小梨赤莖

節高好生道傍今童子歌謠有

云

是也唐詩

名花采菴蓐

爾雅菴王芻也郭注云菴蓐也今
呼鴟腳莎資暇錄卷上詩衛風

淇澳篇云綠竹猗猗按陸璣草木疏稱郭璞云
綠竹王芻也今呼爲白腳蘋或云卽鹿蓐草又

云蕭竹似小藜赤莖節韓詩作薄亦云薄蕭筑
則明知非笋竹矣今爲辭賦皆引猗猗入竹事
大誤也

雞冠花葉蓐草

又引諺釋碩人之邁

升菴經說卷四詩類考槃二章曰碩人之邁居而安

也邁說文草也孟子所謂草莽之臣諺云

也阿卽後世窩字邵子安樂窩義取於此

下條云說

文邁草也音科俗所謂科座也阿卽窩也言考
槃於此山之阿卽我之科座也邁字從草言隱
於茅茨草莽而安樂之也

心安茅屋穩

又引俗諺釋襪羞

升菴經說

卷九禮記類

進襪進羞沐而飲酒曰襪食

曰羞沐必飲食以盈氣也俗諺云

饑梳頭飽洗澡

又引諺釋化土

升菴經說

卷十一周禮類

草人掌化土之法凡糞種駢

剛用牛以牛骨爲糞埴壚豕埴壚土之粘疏者

諺云

二云

是粘疏也

晴則如刀雨則如膏

繫草諺

爾雅舊注樊光云俗語

苦如繫

劉熙引里語釋瑱

釋名

卷二

瑱鎮也懸於耳旁不欲使人妄聽自鎮

重也或曰充耳充塞也塞耳亦所以止聽也故

里語曰

不瘖不聾不成姑公

案隋書長孫平傳所引與此半同半異今並存之

顏師古引諺

匡謬正俗

卷八

問曰諺云

云

云謂內應導引爲厯

底何也答曰按周禮有狄鞮氏掌譯蠻夷之言禮云五方之民言語不通嗜欲不同達其志道其欲東方曰寄南方曰象西方曰狄鞮北方曰譯此蓋謂譯導相因耳今言外人未相練悉不能來爲賊盜因籍當家有人導引依其衝要孤虛故謂之狄鞮也俗語音訛變言厯底耳

賊無厯底中道回

陸佃引俗語釋龍

埤雅

卷一 龍類

俗云

云

蓋龍聳故精於目也陰陽

自然變化論曰驪龍之眸見百里纖芥

龍精於目

又引俗語釋魼

埤雅

卷一 魼類

釋魚云魼鮓今吹沙小魚常張口吹

沙故曰吹沙也魼性善沈常沙中行亦於沙中

孔子俗云

云

異物志曰吹沙長三寸許背上

有刺螫人

魴性沙抱

又引俗語釋虎

埤雅

卷三 虎類

俗云

云

今虎所在鹿必鳴以告

鳩食桑甚則醉貓食荷則醉虎食狗則醉

又引俗語二則釋豺

埤雅

卷三 豺類

豺虎以殺爲性俗云

云

言其健猛

且衆可以窘虎也又曰

云

豺柴也豺體細瘦

故謂之豺棘人骨立謂之柴毀義取諸此

豺羣噬虎

瘦如豺

又引里語釋狼

埤雅

卷四
狼類

豺祭狼卜又善逐獸皆獸之有才智

者故豺从才狼从良作也里語曰

云

云狼將遠

逐食必先倒立以下所向故今獵師遇狼輒喜

蓋狼之所嚮獸之所在也其靈智如此古之造

式者木用槐瘦棗瘤而以狼牙爲柱取其靈智

也

狼卜食

又引世語釋貓

埤雅

卷四 貓類世云

云

物有相感者出於自然非

人智慮所及如

云

云之類乃因舊俗而知爾

薄荷醉貓死貓引竹

又引俗語釋熊羆

埤雅

卷四 羆類

釋獸云羆如熊黃白文羆似熊而大

爲獸亦堅中長首高腳從目能緣能立遇人則
擘而攫之俗云

熊羆眼直惡人橫目

又引世語二則釋烏

埤雅

卷六鳥類世云

云

莊子曰烏鵲孺蓋謂是歟

故語曰

云

云

又舊說烏性極壽

本卷云鵲作巢取在木杪枝不

取墮地者皆傅枝受卵故一曰乾鵲

鴛交頸而感烏傅涎而孕

鵲傅枝鷓茹沫

又引人語釋鳩

埤雅

卷七鷓鳩類

陸機云鷓鳩一名斑鳩蓋斑鳩似

鵲而大鵲鳩灰色無繡項陰則屏逐其匹晴則呼之語曰二云者是也

天將雨鳩逐婦

又引諺釋鷺

埤雅

卷七鷺類

三蒼云蒼鷺也善高飛似雁目相擊

而孕吐而生子其色蒼白莊子所謂白鷺相視

眸子不運而風化者也今鷺亦雄雌相隨受卵

是亦風化諺曰

云

是也

又鷺類俗說雄雌相

化論曰鷺目成而受胎鶴影接而懷

卵鴛鴦交頸野鵲傳枝物固有是哉

鷺鷥相逐成胎

又引閩諺釋鵠

埤雅

卷九 鵠類

閩諺曰

云

蓋鵠無舌連蹄性不木

止詩曰肅肅鵠羽集于苞栩肅肅鵠翼集于苞

棘肅肅鵠行集于苞桑言鵠無舌性不木止

古音

餘卷三鵠字下注云古文鵠字鳥也鵠形似雁而無後趾毛有豹文一名鴻豹易林文山鴻豹肥膺多脂諺云云字一作鵠集韻鵠鵠分爲二字而詁同誤也

鵠無舌兔無脾

又引俗語釋蚊

埤雅

卷十一
蚊類

說文云齧人飛蟲从虫民聲亦或

从昏以昏時出也俗云

二云

蓋蠅成市於朝蚊

成市於暮傳云聚蟲成雷謂其市之時也

蚊有昏市

又引諺二則釋桃

埤雅

卷十三
桃類

桃有華之盛者其性早華又華於

仲春故周南以興女之年時俱當諺曰

二云

又

曰

二云

言桃生三歲便放華果早於梅李故首

雖已白其華子之利可待也

白頭種桃

爾雅翼卷十作
頭白可種桃

桃三李四梅子十二

又引俗語釋梅

埤雅

卷十三
梅類

梅一名柗杏類也其實酢子赤者

材堅子白者材脆華在果子華中尤香俗云

云故天下之美有不得而兼者多矣

梅華優於香桃華優於色

又引諺釋木瓜

埤雅

卷十三
木瓜類

釋木云楸木瓜木瓜葉似奈實如

小瓜其枝可爲杖號一尺百有二十節味酢善
療筋轉陶隱居云如轉筋時但呼其名及書上
作木瓜字輒愈蓋梅望之而蠲渴楸書之而緩
筋理有相感不可得而詳也諺曰云投人之
道宜有以益之而報人則欲其堅久故詩曰投
我以木瓜報之以瓊玖也

梨百損一益楸百益一損

又引俗語釋芡

埤雅

卷十五
芡類

芡葉似荷而大其上有數十蹙衄

如沸球生而有芒刺其中有米可以濟飢俗云

云

此陰陽之異也

荷華日舒夜斂芡華晝合宵炕

又引俗語釋藕

埤雅

卷十七
藕類

爾雅曰其本菑其根藕蓋莖下白

藕在泥中者曰菑藕偶生又善耕泥引長故藕
之文从偶名之亦曰藕今江左穿池取汲不欲

種藕以藕善耕泥壞池也俗云

云

今芋有十

二子爲衛里俗以爲應月之數

藕生應月月生一節閏輒益一

嵇含引諺論蠶

爾雅翼

卷二十
六蠶類

嵇含謂諺曰

御覽卷九百四十
引嵇含遇蠶賦序

曰元康二年余中夜遇蠶客有戲余曰俗諺云云云斯言信哉唯內省不疚而逢此害喟然而

歎遂
作賦

過滿百爲蠶所螫

羅願引諺論河豚

爾雅翼

卷二十
九鯢類

鯢令之河豚有時率以冬至後

來每三頭相從號爲一部諺云

云

言烹和所

用多也

得一部典一袴

又引諺論鮎

爾雅翼

卷二十九 鮎類

鮎魚謂之鮎魚善登竹以口銜

葉而躍於竹上大抵能登高其有水堰處輒自

下騰上愈高遠而未止諺曰

云

謂是故也

鮎魚上竹

又引諺論蟹

爾雅翼

卷三十 蟹類

今岳陽蟹大而殼少軟漁者得

之以爲厭故諺曰

二云

近歲始珍食之

網中得蟹無魚可賣

又引諺論蛇

爾雅翼

卷三十
二蛇類

蛇草居人家時有之故諺云

二云

云也

一畝之地三蛇九鼠

越人土風歌

說文長箋

卷九
十五

砢磊砢也从石可聲來可切箋

云越人自敘土風曰

其山崔巍日嗟峨其水溢沓而揚波其人公矜而英多

池魚諺

廣韻

五支池字下

停水曰池廣雅曰沼也又姓漢有

中牟令池瑗出風俗通又有池仲魚城門失火

仲魚燒死故諺曰

類聚卷九十六引風俗通義曰云云舊說池中魚人姓李

居近城城門失火延及其家仲災燒死謹案百

家書曰宋城門失火因汲池水以沃灌之池中

空竭魚悉露死喻惡之滋并中傷良謹也案

廣記卷四百六中作仲人姓李作人姓字也

清波雜誌卷九張無盡嘗作一表云魯酒薄而
邯鄲圍城門火而池魚禍上句出莊子下句不
知所出以意推之當是城門失火以池水救之
池竭而魚死也廣韻云云白樂天詩有火發城

頭魚水裏救火竭池魚失水初不主姓名之說然廣韻所載當有所據義府卷下城門失火殃及池魚楚國亡猿禍延林木今俗多稱此四句不知本侯景反時東魏移梁檄文中語然此語又出淮南子云楚王亡其猿而林木爲之殘宋君亡其珠池中魚爲之殫故澤失火而林焚廣韻池字注乃造池仲魚姓名而引諺云云宋初修書諸儒之陋如此何異唐之注文選者以芋爲著毛蘿蔔乎

城門失火殃及池魚風俗通作禍及池中魚

時人爲應曜語

廣韻十六蒸應當也又姓漢有應曜隱於淮陽山

下與四皓俱徵曜獨不至時人語曰云八代

孫劭集解漢書

商山四皓不如淮陽一老

白帖卷二十
二商作南

楊慎引蜀童謠釋鵠

轉注古音略

卷四四
寘部

鵠下注云楊雄賦鷦鷯鳥

名蘇林音殄絹反師古音第桂今蜀童謠有

云

云之語雄蜀人用方言未可知也審若是師古
之音得矣

陽雀叫鷦鷯

廣雅鷦鷯鷦鷯子規也
本草鷦鷯亦作鷦鷯

古謠諺卷三終